

Siunnersuummut nassuiaatit

Nassuiaatit nalinginnaasut

1. Aallaqqaasiut

Ineqarnermut tapiissutitut aamma meeqqanut tapiissutitut suliassaqaarfinni naatsorsueriaatsit pillugit iluarsartuusseqqinnerit 2017-imi akuersissutigineqarput. Piffissami sivitsortumi, naatsorsuisarnermut malittarisassat aaqqissugaanerisa isornartorsiorneqartarnerat tamatumani tunuliaqutaavoq. Ineqarnermut tapiissutitut aamma meeqqanut tapiissutitut inoqutigiiit aningaasarsiaat malillugit annikillilerneqarnerat pitsaanerpaamik pisanngitsoq Akileraartarnermut Atugarissaarnermullu Ataatsimiititaliap ilaatigut uparuarnikuuaa. Aningaasarsiat annikitsuararsuarmik qaffannerisa kingunerisaanik aningaasat nammineq atorsinnaasat annertuumik ikileriartarnerat, meeqqanut tapiissutitut annikillilerneqartarnerannut killiffissalersuilluni ilusiliinerup taamani atuuttup nassataraa. Ilatsiinnarluni pilersorneqarnermit suliffeqarfeqarfimmi eqeersimaartumik peqataanissamut taamanikkut malittarisassat pisariaqartinneqartumik kajuummisitsinngillat. Allatut oqaatigalugu innuttaasut immikkut suliniuteqarnertik pillugu akilerneqarneq ajorput.

Ilaatigut tamanna tunuliaqutaralugu ineqarnermut tapiissutitut aamma meeqqanut tapiissutitut annikillisikkiartorneqartarnerinut malittarisassat pisariullutillu siunertamut naapertuutinnigitsut pisariillisarneqarlutillu nutarterneqarput.

Aningaasarsiat apeqqutaatillugit meeqqanut tapiissutitut narlusumik annikillilerneqartarnerisa atuutilerneratigut taamaaliortoqarpoq. Ilutigisaanik meeqqanut tapiissutitut naatsorsornissaannut aningaasarsiatigut tunngavigisassat aningaasarsianit akileraarutaasussanit maannakkorpiaq aningaasarsianut allanngortinneqarput, tassuuna angajoqqaat maannakkorpiaq ikiorserneqarnissamik pisariaqartitsinerat ersersilluarneqassammat. Aningaasarsiakinnerusuni akunnattumillu aningaasarsialinni angajoqqaat aningaasaqarnerisa annertuumik pitsanngortinneqarnerat iluarsartuusseqqinnerup kinguneraa.

Aningaasanut inatsimmi aningaasaliissutitut oqaasertaliussani malittarisassat allanngortinnerisigut iluarsartuusseqqinneq aallaqqaammut piviusunngortinneqarpoq. Inatsisitigut tunngaviusup Aningaasanut inatsimmi konto 30.10.32-imi, Meeqqanut tapiissutitut, oqaasertaliunneqartutigit suliarineqartup, nutarterneqarnissaa malittarisassiornerup massuma ersersissagaa siunnersuummi siunertarineqarpoq. Ilutigisaanik Inatsisartut inatsisaat allanngortinneqarpoq, taamaalilluni meeqqanut tapiissutitut malittarisassiuunnerat Inatsisartut inatsisaanni allaqalersillugu.

2. Siunnersuutip imarisai pingaernerit

Ukiumoortumik aningaasanut inatsisini oqaasertaliussatigut meeqqanut tapiissutit maannamut malittarisassaqtartinneqarput. Taamaattoq tapiissutitut aalajangersimasumik pisartumik imaluunniit annikilliliinissamut tunngavimmik aaqqiissuteqartoqartarsimanngilaq. Meeqqanut tapiissutit angajoqqaat aningaasarsiaat aallaavigalugit akigitat assigiinngitsut pingasut atorlugit killiffilersukkamik annikillisikkiartortinneqartarnikuupput. Annikikkaluamik akissarsiat qaffariarnerisa, aningaasat nammineq atorneqarsinnaasut annertuumik appariarnerannik kinguneqartarnerat, tamatuma kinguneraa. Assersuutigalugu inummut ukiumut 178.000 kr.-inik aningaasarsiaqtartunut nalunaaquttap-akunneranut akissarsiat 1,50 kr.-imik qaffariarnerisa kingunerissavaa, ukiumut aningaasarsiat 3.000 kr.-ngajannik qaffariarnerat. Taakkunannga 42 pct. akileraarutigineqassapput (Qeqqata Kommunia), taamaalillunilu akileraareernermi aningaasarsiat qaffariaataat tassaalissalluni 1.670 kr. Aningaasarsiat qaffariarnerisa ilutigisaanik kingunerissavaat, inoqutigiinnut marlunnik meeralinnut meeqqanut tapiissutit ukiumut 5.090 kr.-inik appartinneqarnerat. Taamaalilluni ilanngaattissat ilanngaatigereerlugit aningaasat atorneqarsinnaasut appariarnerat tassaalissaq katillugit 3.400 kr.-it missaat.

Katigussinikkut aningaasarsianit kingullernit akileraarusiineq assersuummi 200 pct.-inik qaffasinneruvoq. Ajornartorsiut taannarpiaq sulisitsisunit kattuffinnillu uparuarneqarnikuuvoq.

Meeqqanut tapiissutit aamma ineqarnermut tapiissutit iluarsartuuteqqinnerisigut, killiffilersuilluni annikilliliisarneq aningaasarsiat apeqqaatillugit narlusumik annikilliliinissamik taarserneqarpoq. Siullermik allannguut taanna aningaasanut inatsimmi konto 30.10.32-imi, Meeqqanut tapiissutit-ni, oqaasertaliussatigut pivoq, siunertarineqarluni Inatsisartut inatsisaata allanngortinneqarnissaa, tassani inatsisitigut inissisimaneq ersersinneqassammat.

Aningaasanut inatsimmi konto 30.10.32-imi, Meeqqanut tapiissutit, oqaasertaliussatigut malittarisassiornermi aammattaq meeqqanut tapiissutit naatsorsorneranni aningaasarsiatigut tunngavigisassat allanngortinneqarput. Aningaasarsiat akileraaruteqaataasussat tunngavigiunnaarlugit maannakkorpiaq aningaasarsiat tunngavigineqalernerisigut tamanna iluarsartuusseqqinnermi allanngortinneqarpoq. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata nr. 9, 1. juni 2017-imeersup atuutilerneratigut isumaginninnermi ikiorsiissutit tunniunneqartartut arlallit naatsorsornerinut aningaasarsiat akileraaruteqaataasussat tunngavigineqarunnaarlutik maannakkorpiaq aningaasarsiat pillugit isumasiuut nutaaq tunngavigineqalerpoq. Tamatumunnga pissutaavoq aningaasarsiat akileraaruteqaataasussat pillugit paasissutissat arlalitsigut ukiunik 2-3-nik pisoqaassuseqartarmata, maannakkorpiarli aningaasarsiat tassaallutik qaammatini kingullerni 12-ni aningaasarsiat. Taamaalilluni maannakkorpiaq aningaasarsiat angajoqqaanut kisermaanut aappariinnullu, maannakkorpiaq pisariaqartitsinermik ersersitsilluarneroqaat.

Meeqqanut tapiissutit maannamut tassaapput isumaginninnermi ikiorsiissutini tunniunneqartartuni kisiartaallutik aningaasanut inatsimmi meeqqanut tapiissutit pillugit oqaasertaliussat aqputigalugit malittarisassiuunneqartatut. Meeqqanut tapiissutit annertussusissaat akuttoqatigiiaartumik aaqqiivigineqartarnikuunngillat.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata nr. 9, 1. juni 2017-imeersup atuutilernerata kingorna, 1. juli 2018-imiit ukiumoortumik procenti aaqqiissutissaq atuutilersinneqarpoq. Ukiumi naatsorsuiffiusumi procenti aaqqiissutissaq tassaavoq, pisortani atorfillit ukiumi akissarsiaqarfiusumi aningaasarsiaasa ukiup siulianut naleqqiullugu allannguutaasa procentinngornerat. Pisortat akiliutigisartagaasa akiliutillu assigiimmik aalajangersimasumillu aaqqiivigineqartalernissaat tamatumasiunertaraa. Procenti aaqqiissutissaq Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi §§ 2-4-mi malittarisassiuunneqarpoq.

Inatsisartut inatsisaanni meeqqanut tapiissutit aningaasartaasa annertunerpaaffissaat siunnersuut aqputigalugu aalajangiunneqassaaq. Ilutigisaanik siunnersuutigineqarpoq aningaasat taakku siunissami procenti aaqqiissutissaq malillugu aaqqiivigineqartassasut, ukiullu tamaasa isumaginninnermi ikiorsiissutit tunniunneqartatut pillugit kaajallaasitakkut tamanut saqqummiunneqartassasut.

Taamaalilluni taamatut allanngiineq pivoq, inatsisitigut inissisimaneq assigiissarniarlugu.

Siunnersuut Inatsisartut inatsisaannut atuuttumut sanilliullugu	
Oqaasertat maanna atuuttut	Siunnersuut
	§ 1 Meeqqanut tapiissutit pillugit Inatsisartut inatsisaanni nr. 9, 7. december 2009-imeersumi ima allannguisoqarpoq:
Kapitel 1 <i>Aalajangersakkat nalinginnaasut</i>	1. Kapitalitut qulequtaq <i>Kapitali 1</i> ima oqaasertalerneqassaaq: “Kapitali 1 <i>Aalajangiineq naatsorsuinerlu”</i>
§ 1. ” 4) meeraq meeqqanik inuusuttunillu ikiorsiisarneq pillugu peqqussut tunngavigalugu pisortanit angerlarsimaffiup avataanut inissinneqarsimassanngitsoq imaluunniit pisortanit allatigut pilersorneqartoq aamma	2. § 1, imm. 1, nr. 4 ima oqaasertalerneqassaaq: ” 4) Meeqqanik inuusuttunillu ikiorsiisarneq pillugu Inatsisartut peqqussutaat imaluunniit meeqqat tapersorsorneqarnissaannut Inatsisartut inatsisaat naapertorlugit meeraq

	angerlarsimaffiup avataanut pisortanit inissinneqarsimassanngilaq allatigulluunniit pisortanit pilersorneqarluni aamma
<p>§ 3. Meeqqanut tapiissutit amerlassusissaat ukiumut meeqqanut tapiissuteqarfiusumut aningaasanut inatsimmi aalajangersarneqartarput, tunniunneqartartussaallutillu ukiumi inaarutaasumik akileraaruteqarfiusumi kingullermi, isertitanut killissarititat aningaasanut inatsimmi aalajangersarneqartut malillugit.</p> <p><i>Imm. 2.</i> Angajoqqaat najugaqatigiippata, meeqqanut tapiissutit angajoqqaat katillutik isertitaat akileraaruteqaataasussat aallaavigalugit tunniunneqassapput.</p> <p><i>Imm. 3.</i> Meeraq angajoqqaami arlaanni najugaqarpat, meeqqanut tapiissutit tunniunneqassapput taassuma isertitai akileraaruteqaataasussat aallaavigalugit. Angajoqqaq taanna katissimappat imaluunniit aalajangersimasumik inooqateqarpat aappaasup isertitai akileraaruteqaataasussat imaluunniit inooqataasup isertitai akileraaruteqaataasussat naatsorsuutigineqassapput, inooqatigiinneq sivikinnerpaamik ukiumik ataatsimik atasimappat.</p> <p><i>Imm.4.</i> Meeraq assigiimmik angajoqqaami arlaanni najugaqartarpat, angajoqqaamut meeqqap inuit allattorsimaffiannut nalunaarutigineqarami najugaqarfigisaanut, isertitai akileraarutaasussat aallaavigalugit tunniunneqassapput.</p>	<p>” § 3. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 5 naapertorlugu meeqqanut tapiissutit maannakkorpiaq aningaasarsiat aallaavigalugit naatsorsorneqassapput.</p> <p><i>Imm. 2.</i> Angajoqqaat najugaqatigiippata, angajoqqaat maannakkorpiaq ataatsimoortumik aningaasarsiaat aallaavigalugit meeqqanut tapiissutit naatsorsorneqassapput.</p> <p><i>Imm. 3.</i> Meeraq angajoqqaami arlaanni najugaqarpat, meeqqanut tapiissutit angajoqqaap najugaqarfigisaata maannakkorpiaq aningaasarsiai aallaavigalugit naatsorsorneqassapput. Angajoqqaq taanna meeqqamut angajoqqaajungitsumik katissimappat aappaqarpalluunniit, minnerpaamillu ukioq 1 aappariissimappata, aappaasup maannakkorpiaq aningaasarsiai naatsorsuinnermut ilanngunneqassapput.</p> <p><i>Imm. 4.</i> Meeraq angajoqqaamini tamani naligiimmik najugaqartarpat, meeqqap inunnik nalunaarsuisarfimmi nalunaarsorneqarfigisaani angajoqqaap maannakkorpiaq aningaasarsiai tunngavigalugit meeqqanut tapiissutit naatsorsorneqassapput.</p> <p><i>Imm.5.</i> Maannakkorpiaq aningaasarsiat naatsorsuinnermi tunngaviusut malunnaatilimmik allannguuteqarpata imaluunniit meeqqat amerlassusaat allanngorpat, allannguutit naapertorlugit meeqqanut tapiissutit naatsorsorneqassapput. Maannakkorpiaq aningaasarsiat malunnaatilimmik allanngorsimatillugit,</p>

	<p>procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 6-imi malittarisassat naapertorlugit maannakkorpiaq aningaasarsiat naatsorsorneqassapput.</p> <p><i>Imm. 6.</i> Ilaqutariit Kalaallit Nunaannut nuuttut, § 1-imi piumasaqaatit naammassisimappatigit, nuunnermik kingorna qaammatip aallaqqaataaniit meeqqanut tapiissutinik tunineqarsinnaapput. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 6 naapertorlugu meeqqanut tapiissutit, maannakkorpiaq aningaasarsiasatut naatsorsuutigisat allaavigalugit naatsorsorneqassapput.”</p>
<p>§ 4. Inuup uppersarsinnaaguniuk, aningaasarsiat akileraaruteqaataasussat meeqqanut tapiissutinik tunniussinermut tunngaviusussat, annertuumik ataavartumillu allannguuteqarsimasut, isertitassatut naatsorsuutigineqartut tunngavigalugu meeqqanut tapiissutinik tunniussissalluni kommunalbestyrelsi aalajangersinnaavoq.</p> <p><i>Imm. 2.</i> Ilaqutariit Kalaallit Nunaannut nuuttut, § 1-imi piumasaqaatinik eqqortitsigunik, nuunnermik kingorna qaammammi siullermiit meeqqanut tapiissutinik tunineqarsinnaapput, kommunalbestyrelsip isertitassatut naatsorsuutigineqartunik naliliinera tunngavigalugu.</p> <p><i>Imm. 3.</i> Isertitassatut naatsorsuutigisanik naatsorsuisarnermut kiisalu qaqugukkut aningaasarsiat ataavartumik annertuumillu appariartarnerat pillugu malittarisassanik Naalakkersuisut aalajangersaasinnaapput.</p>	<p>4. § 4 ima oqaasertalerneqassaaq: ” § 4. Ukiumoortumik meeqqamut ataatsimut tapiissutit qaffasinnerpaaffissaasa annertussusaat tassaapput 8.477 kr.-it.</p> <p><i>Imm. 2.</i> Meeqqanut tapiissutit aningaasarsiat annertusiartornerat ilutigalugu annikillilerneqassapput. Maannakkorpiaq aningaasarsiat 130.000 kr.-it anguppatigit meeqqanut tapiissutit annikillilerneqalissapput. Aningaasanut killigititaq taanna meeqqap siulliup saniatigut meeqqanut, meeqqamut ataatsimut 25.000 kr.-inik qaffanneqassaaq.</p> <p><i>Imm. 3.</i> Annikilliertortitsineq pissaaq annikilliertortitsinermut procentit nikerartut atorlugit. Meeqqamut ataatsimut, naatsorsuinerneqartumut, annikilliertortitsinermut procenti 3,5 pct.-iuvoq.</p> <p><i>Imm. 4.</i> Meeqqanut tapiissutit ima naatsorsorneqassapput aningaasarsiatut</p>

	<p>tungavik annikilliarortitsinermi procentimik atorneqartumik amerlisariarlugu meeqqanut tapiissutinit annerpaanit ilanngaatineqassalluni. Imm. 2 naapertorlugu aningaasarsiat tungaviusut tassaapput maannakkorpiaq aningaasarsiat, aningaasarsiat apeqqutaatillugit ilanngaatissanik ilanngarlugit.</p> <p><i>Imm. 5.</i> Meeqqanut tapiissutit imaluunniit aningaasarsiat tungaviusut negativiusinnaangillat.</p> <p><i>Imm. 6.</i> Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 3 naapertorlugu imm. 1-imi aamma imm. 2-mi aningaasat ukiumi naatsorsuiffimmi pineqartumi procenti aaqqiissutissaq malillugu ukiut tamaasa aaqqiivigineqartassapput.”</p>
<p>§ 6. Imm. 5. Meeqqanut tapiissutit tunniunneqartarnerannut malittarisassanik Naalakkersuisut aalajangersaasinnaapput, tassunga ilanngullugit ukiukinnerusunut tapiissutinik tunniussisarnermi aqutsinermilu malittarisassanik aalajangersaaneq.</p>	<p>5. § 6, imm. 5, ima oqaasertalerneqassaaq: ” <i>Imm. 5.</i> Meeqqanut tapiissutit tunniunneqartarnerannut malittarisassanik Naalakkersuisut aalajangersaasinnaapput, matumani inersimangitsunut tapiissutinik tunniussisarnermi aqutsinermilu malittarisassat aamma aningaasat tunniunneqartussat minnerpaaffissaannik aalajangersaaneq ilanngullugit.”</p>
<p>§ 9. <i>Imm. 2.</i> Meeqqanut tapiissutinik tunniussinissamut tungavigineqartussanik aningaasarsiat akileraaruteqaataasussat pillugit paasissutissanik kommunalbestyrelsi pissarsiniarsinnaavoq.</p>	<p>§ 9, imm. 2, ima oqaasertalerneqassaaq: ” <i>Imm. 2.</i> Maannakkorpiaq aningaasarsiat, meeqqanut tapiissutit naatsorsorneqarnissaannut tungaviusussat, pillugit kommunalbestyrelse paasissutissanik piniarsinnaavoq.”</p>
<p>§ 11. Inatsit manna tungavigalugu aalajangiinerit isumaginnittoqarfiup aqunneqarnera aaqqiissuunneqarneralu pillugit Inatsisartut peqqussutaat malillugu naammagittaalliuutigineqarsinnaapput.</p>	<p>7. § 11 ima oqaasertalerneqassaaq: ” § 11. Inatsisartut inatsisaanni matumani malittarisassat naapertorlugit aalajangiinerit, isumaginnittoqarfiup aqunneqarnera aaqqiissuusaaneralu pillugit inatsimmi malittarisassat naapertorlugit,</p>

	Isumaginninnermi Naammagittaalliuuteqartarfimmu naammagittaalliutigineqarsinnaapput.”
	§ 2 Inatsisartut inatsisaat atuuttuulerpoq 1. januar 2019.

3. Pisortanut aningaasaqarnikkut allaffissornikkullu kingunerisinnaasai

Siunnersuut Nunatta Karsianut annikinnerusumik aningaasartuutaanerussaaq, tassami meeqqanut tapiissutitut procenti aaqqiissutissaq atorlugu ukiumoortumik aaqqiissuteqartarneq eqqunneqassamat. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaata nr. 9, 1. juni 2017-imeersup akuersissutiginerani aningaasartuutissaq taanna isummerfigineqareerpoq.

Aningaasartuutaanerujumaartut eqqortut missingernissaat ajornarpoq, procenti aaqqiissutaasussaq aatsaat augustimi tamanut saqqummiunneqassamat.

Pisortanut siunnersuut allaffissornikkut kinguneqassanngilaq.

4. Inuussutissarsiutinik ingerlataqartunut aningaasatigut allaffissornikkullu kingunerisassai

Siunnersuut inuussutissarsiutinik ingerlataqartunut aningaasaqarnikkut allaffissornikkullu kinguneqassanngilaq.

Siunnersuut inuussutissarsiutinik ingerlataqartunut allaffissornikkut kinguneqassanngilaq.

5. Avatangiisinut, pinngortitamut peqqissutsimullu kingunissai

Siunnersuut avatangiisinut, pinngortitamut peqqissutsimulluunniit kinguneqassanngilaq.

6. Innuttaasunut kingunissai

Meeqqanut tapiissutit akit nalingannut procenti aaqqiissutissaq atorlugu ingerlaavartumik aaqqiivigineqartarnissaat siunnersuutip kingunerissavaa. Tassuunakkut meeqqanut tapiissutit akit akissarsiallu allanngoriartornerannut malinnaalissapput. Taamaammallu aningaasat naleerukkiartornerat pissutigalugu siunissami angajoqqaat pitsaanerusunik atugassaqalissapput.

7. Kingunissaat pingaarutilit allat

Siunnersuut pingaarutilinnik allanik kinguneqassanngilaq.

8. Oqartussaasunik kattuffinnut il.il. tusarniaaneq.

Siunnersuut piffissami 14. juni 2018-imiit 06. juli 2018-imut www.naalakkersuisut.gl -imi tusarniaanermut nittartakkami tamanut saqqummiunneqarpoq.

Siunnersuut 11. juni 2018 –miit 6. juli 2018-imut ukununga tusarniaassutigineqarpoq:

Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Ineqarnermut Attaveqaateqarnermullu Naalakkersuisoqarfik, Aningaasaqarnermut Naalakkersuisoqarfik, Inuusutissarsiornermut Nukissiornermullu Naalakkersuisoqarfik, Aatsitassanut, Suliffeqarnermut Nunamullu Namminermt Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Kommuneqarfik Sermersooq, Qeqqata Kommunua, Kommune Kujalleq, Avannaata Kommunua aamma Kommune Qeqertalik

Tulliuttut tusarniaanermut akissuteqarput:

Naalakkersuisut Siulittaasuata Naalakkersuisoqarfia, Aatsitassanut, Suliffeqarnermut Nunamullu Namminermt Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Kommuneqarfik Sermersooq, Kommune Qeqertalik, Qeqqata Kommunua, aamma Kommune Kujalleq

Tusarniaaffigisat makku allannguutissatut siunnersuummut oqaaseqaateqanngillat:

Naalakkersuisut Siulittaasuata Naalakkersuisoqarfia, Aatsitassanut, Suliffeqarnermut Nunamullu Namminermt Naalakkersuisoqarfik, Ilinniartitaanermut, Kultureqarnermut Ilageeqarnermullu Naalakkersuisoqarfik, Kommuneqarfik Sermersooq aamma Kommune Qeqertalik.

Ataaniipput tusarniaanermut akissuteqaatit Isumaginninnermut Inatsisinillu Atuutsitsinermut Naalakkersuisoqarfimmut nassiunneqartut tulleriiaarneri. Matumani pineqarput akissuteqaatit aaqqissorlugit issuarneri, naalakkersuisoqarfiup akissutinut oqaaseqaatai uingasumik allassimallutik.

Qeqqata Kommunua

Meeqqanut tapiissutit 100 kr.-nik minnerpaaffeqarnissaat § 3-mi ilanngunneqassasoq, aamma aningaasat 100 kr.-nik ikinnerusut tunniunneqartassanngitsut kommunip siunnersuutigaa.

Tusaatissatut tiguneqarpoq. § 6, imm. 5-imi pisinnaatitsilluni aalajangersagaq ilanngunneqarpoq, tassuunakkut Naalakkersuisut aningaasat tunniunneqartussat minnerpaaffissaat pillugit aalajangersaasinnaanngorlugit.

Kommune Kujalleq

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni § 5 innersuunneqartoq kommunip § 3, imm. 1-imut tunngatillugu oqaatigaa, taamaammallu aamma § 5, imm. 4 aamma imm. 5 ilaasut, taakku Naalakkersuisunik pisinnaatitsisuullutik. Nalunaarutunik aalajangersaasoqassappat inatsisissatut siunnersuummut matumunnga naapertuutinngitsunik, meeqqanut tapiissutit pillugit inatsimmi kingunerisaanik iluarsiisoqarnissaa isumagineqassasoq.

Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat malillugu nalunaarutit aqutigalugit Meeqqat tapersorsorneqarnissaannut Inatsisartut inatsisaannut akerliusumik aalajangiisoqarsinnaanngilaq. Taamatut aalajangiisoqassappat inatsimmik allannortitsinissaq pisariaqassaaq.

Inatsisissatut siunnersuutip suliarineqarnerani meeqqanut tapiissutit nalimmassaanernik aalajangiinerit Isumaginninnermi Naammagittaalliuuteqartarfirmut naammagittaalliuutigineqarsinnaanerisa isummerfigineqarnissaat kommunip kissaatiginartippaa.

Inatsimmi § 11 naammagittaalliuuteqarsinnaanermut periarfissanut tunngasoq erseqqissarneqarpoq, inatsit naapertorlugu aalajangiinerit Isumaginninnermi Naammagittaalliuuteqartarfirmut naammagittaalliuutigineqarsinnaasut taamaalilluni toqqaannartumik ersersinneqarluni. Kisianni iluarsiinermi periaaseq imminermi naammagittaalliuutigineqarsinnaassanngilaq.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Kapitali 1: Kapitalip qulequtaa imarisaasunut nutaanut naapertuuttunngorlugu allanngortinneqarpoq.

Til nr. 2

§ 1, imm. 1, nr. 4: Meeraq pisortanit angerlarsimaffimmi avataanut inissinneqarsimassanngitsoq meeqqanut tapiissutinik pisartagaqarnissamut piumasaqaataasoq aalajangersakkami aalajangerneqarpoq. Meeqqanik inuusuttunillu ikiorsiisarneq pillugu Inatsisartut peqqussutaat Meeqqat tapersorsorneqarnissaannut Inatsisartut inatsisaat nr. 20 26. juni 2019-imeersoq aqqutigalugu 1. juli 2017-imiit atuutilersumik atorunnaarsinneqarmat, meeqqat inatsisip atuutilernerata kingorna angerlarsimaffimmik avataanut inissinneqartut inatsit nutaaq naapertorlugu inissinneqartassapput. Kisiannili sulii meeraqarmat meeqqanik inuusuttunillu ikiorsiisarneq pillugu Inatsisartut peqqussutaat naapertorlugu angerlarsimaffimmik avataanut inissitaasunik, inatsisit tamarmik aalajangersakkami taaneqarput.

Nr. 3-mut

§ 3, imm. 1: Meeqqanut tapiissutit maannakkorpiaq aningaasarsiat aallaavigalugit naatsorsorneqartassasut, taakkulu Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi §§ 5-6-imi isumasiuunneqartut, aalajangersakkami aalajangerneqarpoq.

§ 3, imm. 2: Siusinnerusukku § 3, imm. 2-jusoq assigaa. Angajoqqaat najugaqatigiippata angajoqqaat tamarmiullutik aningaasarsiaat aallaavigalugit meeqqanut tapiissutit naatsorsorneqassasut aalajangersakkami aalajangerneqarpoq. Maannakkorpiaq aningaasarsiat Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi § 5-imi isumasiuut malillugu nassuiarneqarput.

§ 3, imm. 3: Aalajangersakkap uuma siusinnerusukku § 3, imm. 3-mi allassimasut annikitsumik allanngornerivaa. Meeraq angajoqqaami aappaani najugaqarpat, meeqqanut tapiissutit taassuma maannakkorpiaq aningaasarsiai aallaavigalugit naatsorsorneqassasut aalajangersakkami aalajangerneqarpoq. Angajoqqaajusoq taanna minnerpaamik ukioq ataaseq katinnikuusimappat aappaarluniluunniit aappaasup aningaasarsiai naatsorsuinnermut ilanngunneqassapput. Erseqqissaatiginarlugu ”meeqqamut angajoqqaajunngitsunik”, ilanngunneqarpoq angajoqqaqarmat katinnikuugaluarlutik najugaqatigiinngitsunik. Maannakkorpiaq aningaasarsiat naatsorsorneqassapput Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi § 5-imi isumasiuut naapertorlugu.

§ 3, imm. 4: § 3, imm. 4 maanna atuuttoq – aningaasarsianut akileraarutaasussaniit maannakkorpiaq aningaasarsianut allannguut eqqaassanngikkaanni - aalajangersakkap assigaa, tassanilu aalajangersarneqarpoq meeraq angajoqqaamini tamani naligiimmik najugaqartarpat, angajoqqaap, inuit aqqisa allattorsimaffiat naapertorlugu, meeqqap najugaqarfigisatut nalunaarsorneqarfigisaata, maannakkorpiaq aningaasarsiat naapertorlugit meeqqamut tapiissutit naatsorsorneqassasut. Maannakkorpiaq aningaasarsiat naatsorsorneqassapput Procenti aqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi § 5-imi isumasiuut naapertorlugu.

§ 3, imm. 5: Aalajangersagaq una maannakkut attuuttumi § 4, imm. 1-mi allassimasut annikitsumik allanngornerivaa. Maannakkorpiaq aningaasarsiat annertuumik allannguuteqarsimappata, Procenti aqqiissutissaq aamma maannakkorpiaq aningaasarsiat pillugit Inatsisartut inatsisaanni § 6-imi malittarisassat naapertorlugit meeqqanut tapiissutit naatsorsornissaannut tunngaviusut allanngortinneqarsinnaasut tassani aalajangerneqarpoq. Tamatuma kinguneraa aningaasarsiat 10 % sinnerlugu allannguuteqarnissaat ilimagineqarpat, taava ukiumut aningaasarsiasatut naatsorsuutigineqartut aallaavigalugit maannakkorpiaq aningaasarsiat aalajangiunneqarsinnaapput.

Tamatumunnga assersuutigalugu pissutaasinnaapput suliffissaarunneq imaluunniit inuttut atugarisatigut allatut pisoqarnera soorlu meerartaarneq, pensioninik pisartagaqalerneq piffissamilu sivilunerusumi napparsimaneq. Taamaattoq aamma matumani pineqarsinnaapput qaffasinnerusunik aningaasarsiaqalernissamik ilimagisaqarnerit, soorlu nutaamik suliffittaarnermi. Naatsorsuinermi meeqqat amerlassusaat allanngorsimappat, assigisaanik meeqqanut tapiissutit naatsorsorneqarpoq. Meerartaarnermi aamma § 1 naapertorlugu meeqqanut tapiissutinut piomasaaqatit meeqqap eqqortikkunnaarpagat tamanna pisinnaalluni.

3, imm. 6: Aalajangersakkap § 4, imm. 2 maanna atuuttoq assigaa – aningaasarsianut akileraarutaasussaniit maannakkorpiaq aningaasarsianut allannguut eqqaassanngikkaanni - tassanilu ilaqutariit Kalaallit Nunaannut nooqqammisut, meeqqanullu tapiissutinik pisinnaatitaasut, meeqqanut tapiissutinik tunineqarsinnaasut aalajangersarneqarluni. Procenti aqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi § 6 naapertorlugu, meeqqanut tapiissutit naatsorsorneqassapput maannakkorpiaq aningaasarsiasatut ilimagisaasut aallaavigalugit.

Nr. 4-mut

§ 4, imm. 1: Aalajangersagaq nutaajuvoq, tassanilu aalajangersarneqarpoq meeqqanut tapiissutit qaffasinnerpaaffissaat 1. januar 2018-imi tassaasut meeqqamut ataatsimut 8.477 kr. Aningaasat taakku imm. 6 naapertorlugu ukiumoortumik aqqiivigineqartassapput,

ukiumoortumillu aningaasartaasut ”Isumaginninnermi ikiorsiissutit tunniunneqartartut pillugit kaajallaasitaq”-mi tamanut saqqummiunneqartassallutik.

§ 4, *imm.* 2: Aalajangersagaq nutaajuvoq, tassani meeqqanut tapiissutit narlusumik annikillilerneqartassasut kiisalu aningaasat ilanngaatitaqartussaannngitsut 130.000 kr.-iusut aamma meeqqap siulliup saniatigut meeqqamut ataatsimut 25.000 kr.-iusut aalajangersarneqarpoq.

§ 4, *imm.* 3: Aalajangersagaq nutaajuvoq tassanilu aalajangerneqarpoq annikilliertortitsinermut procenti meeqqamut ataatsimut, naatsorsuinnermi tunngavigisanut ilaasumut, tassaassasoq 3,5 pct.

§ 4, *imm.* 4: Aalajangersagaq taanna nutaajuvoq, tassanilu aalajangersarneqarpoq meeqqanut tapiissutit ima naatsorsorneqassasut, tassani aningaasarsiatut tunngavik annikilliertortitsinermi procentimik atorneqartumik amerlisariarlugu meeqqanut tapiissutinit annerpaanit ilanngaatigineqassasoq. Aningaasarsiat tunngaviusut tassaapput maannakkorpiaq aningaasarsiat, aningaasarsiat apeqqutaatillugit ilanngaatissanik *imm.* 2-mi takuneqarsinnaasunik ilanngaaffigineqarsimasut.

Taamaalilluni naatsorsuineq periaaseq manna malillugu inissitsiterneqarsinnaavoq: Meeqqanut tapiissutit qaffasinnerpaat – (maannakkorpiaq aningaasarsiat – (130.000 kr. + (25.000 kr. meeqqap siulliup saniatigut meeqqamut ataatsimut)) x annikilliertortitsinermi procenti) = meeqqanut tapiissutit.

§ 4, *imm.* 5: Aalajangersagaq nutaajuvoq aalajangersarlugulu, meeqqanut tapiissutit imaluunniit aningaasarsiatigut tunngaviusut negativiusinnaanngitsut.

§ 4, *imm.* 6: Aalajangersagaq nutaajuvoq, tassanilu aalajangersarneqarpoq, ukiumoortumik meeqqanut tapiissutit akit nalinginut Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni nr. 9, 1. juni 2017-imeersumi §§ 2-4-mi procenti aaqqiissutissaq naapertorlugu aaqqinneqartassasut. Tapiissutit annertussusissaat aaqqitaq” Isumaginninnermi ikiorsiissutit tunniunneqartartut pillugit kaajallaasitaq”-mi ukiumoortumik tamanut saqqummiunneqartassaaq.

Nr. 5-imut

§ 6, *imm.* 5: Naalakkersuisut meeqqanut tapiissutit tunniunneqartussat minnerpaaffissaanik aalajangersaasinnaanngortillugit aalajangersagaq annertusineqarpoq. § 4, *imm.* 3-mi naatsorsuinnermut periaaseq nutaaq naapertorlugu meeqqanut tapiissutinik pisartagallit ukiumut 1 kr.-mik allaat pisinnaatitaasinnaanerat tamatumunnga pissutaavoq. Tapiissutit annikitsuararsuit ilaqutariit aningaasaqarnerannut sunniutissaat tunniussinermilu

allaffissornermut aningaasartuutaasussat imminnut naapertuuttuussanngitsut
isumaqartoqarpoq.

Inersimanngitsunut tunniussisinnaaneq aamma tapiissutinik aqutsineq pillugit
malittarisassanik aalajangersaasinnaatitaaneq allanngortinneqanngilaq.

Nr. 6-imut

§ 9, *imm.* 2. Aalajangersakkami aalajangersarneqarpoq, kommunalbestyrelse
maannakkorpiaq aningaasarsiat, naatsorsuinermit tunngaviusut, siusinnerusukkutut
akileraarutaasussamik aningaasarsiaanngitsut, pillugit paasissutissanik piniarsinnaasoq.

Nr. 7-imut

§ 11: Inissiani attartortittakkani ineqarnermut tapiissutit pillugit Inatsisartut inatsisaanni
oqaasertaliussat assigalugit aalajangersakkap erseqqissarpaa, inatsit malillugu aalajangiinerit
Isumaginninnermi Naammagittaalliuuteqartarfimmut naammagittaalliuutigineqarsinnaasut.
Tamatamani pineqarput aalajangiinerit tamarmik, aamma meeqqanut tapiissutit
naatsorsornerat, kisiannili pineqarani naatsorsuinermit periaaseq, taamaalillunilu aamma
pineqarani § 4, *imm.* 1 naapertorlugu tapiissutit annerpaaffissaasa annertussusaat imaluunniit
akit qaffakkiartornerat naapertorlugu aalajangersimasumik pisartumik taassumangga
aaqqiisarneq.

§ 2-mut

Siunnersuutigineqarpoq Inatsisartut inatsisaat atuutilissasoq 1. januar 2019.